

KPT seru institusi pendidikan tinggi manfaat AI

- Oleh Berita Harian - 19 Mei , 2026 @ 12:46pm



Menteri Pendidikan Tinggi, Datuk Seri Dr Zambry Abd Kadir, merasmikan Program Kembara Pendidikan Tinggi@Terengganu (PKPT@T) dan Program Kampung Angkat MADANI (PKAM), di Sekolah Menengah Kebangsaan (SMK) Menerong. - Foto NSTP/Nazdy Harun.

Kementerian Pendidikan Tinggi (KPT) menyeru institusi pendidikan tinggi memanfaatkan teknologi kecerdasan buatan (AI) bagi memperkuat pembangunan masyarakat, pendidikan dan inovasi negara. Menteri Pendidikan Tinggi, Datuk Seri Dr Zambry Abd Kadir berkata, selain menjadi pusat pengajian dan penyelidikan, IPT juga perlu berperanan sebagai pemangkin pembangunan komuniti melalui pengembangan ilmu, teknologi dan inovasi. KPT turut memberi fokus kepada agenda TVET, pendigitalan pendidikan dan pembangunan bakat masa hadapan supaya generasi muda serta komuniti luar bandar tidak tercicir dalam transformasi ekonomi digital.

Melalui Program Kembara Pendidikan Tinggi@Terengganu (PKPT@T) dan Program Kampung Angkat MADANI (PKAM), pelbagai inisiatif dilaksanakan bagi membantu komuniti setempat menerusi pemindahan ilmu dan teknologi. Program ini melibatkan kerjasama pelbagai IPT termasuk Universiti Malaysia Terengganu dan agensi berkaitan untuk memperkuat pembangunan komuniti secara inklusif dan mampan. KPT juga mahu melahirkan mahasiswa yang bukan sahaja cemerlang akademik, tetapi mempunyai nilai kepimpinan, kesukarelawananan dan kepekaan sosial tinggi sebagai agen perubahan masyarakat.

